



	REPUBLIKA E KOSOVËS - REPUBLIKA KOSOVO KOMUNA E VUŠTTRRISË-OPŠTINA VUČITRN
01 Nr. / Br	<u>261123</u>
Nr. i fq. / Br. st	<u>- 14 -</u>
Data: / Datum	<u>30.11.2023</u>
VUŠTTRRI - VUČITRN	



REPUBLIKA E KOSOVËS

KUVENDI I KOMUNËS-VUSHTRRI

PROCESVERBAL
**NGA MBLEDHJA E -IX- E RREGULLT E KUVENDIT TË KOMUNËS SË
VUSHTRRISË, MBAJTUR MË 26 TETOR 2023**

Mbledhja është mbajtur në sallën e Kuvendit të Komunës së Vushtrrisë, duke filluar në orën 10:15. Në këtë mbledhje ishin të pranishëm anëtarët e Kuvendit të Komunës së Vushtrrisë: Adnan Lahu, Agim Bregaj, Agron Përçuku, Alban Bajrami, Ali Januzi, Arlind Gogolli, Behar Duraku, Bekim Zabërgja, Blerina Shala, Bujar Pllana, Edona Gashi, Fakete Dushi, Fatmire Cecelia, Faton Hyseni, Galip Audiu, Gresa Muli, Gentiana Rama, Ilmi Azemi, Kushtrim Hyseni, Leonora Gërguri, Mek Selaci, Melihate Basholli-Latif, Mensur Kasumi, Mensur Kastrati, Mentor Hasani, Nasuf Aliu, Nurie Halili, Nurten Çerkezi-Gjyshinca, Refik Maloku, Shkelzen Xhaferi, Spasoje Stefanoviq, Sylejman Meholli, Ymer Haradinaj dhe Zojë Hajrizi.

Mbledhjen e hapi dhe e kryesoi Melihate Basholli-Latifi, – kryesuese e kuvendit, e cila konstatoi se në sallë janë prezent 35 anëtarë të kuvendit, kuorum ky i mjaftueshëm për zhvillimin e punimeve të mbledhjes plenare dhe për marrje të vendimeve të plotfuqishme, andaj procedoi me rendin e ditës. Të pranishëm në këtë mbledhje ishin edhe Kryetari i komunës, z. Ferit Idrizi, nën kryetari i komunës z. Shpëtim Zhegrovë, përfaqësuesi i KFOR-it, përfaqësuesi i OSBE-së, përfaqësues të mediave të shkruara dhe elektronike, përfaqësues të shoqërisë civile.

Melihate Basholli-Latifi, Kryesuese e Kuvendit-njoftoj se anëtarë i kuvendit Lorik Maaxhuni, është emërua në pozitën e Drejtorit të Drejtorisë së Shëndetësisë njëjtë ka dhënë dorëheqje nga pozita e anëtarit të kuvendit, në vendi të tij nga KQZ është zëvendësuar z.Jeton Gjaka të cilin e njoftoj ta jap betimin.

Jeton Gjaka para kuvendit dha betimin, duke u bërë anëtar i kuvendit me të drejtë të plota.

Faton Hyseni, anëtar i kuvendit –tha se është për keqardhje dështimi i mbledhjes së muajit korrik për disa herë me radhë, dhe për këtë e kupton deri diku opozitën, por nuk mund ta kuptoj pushtetin, i cili po ik dhe nuk e di askush dhe për çfarë është duke ikur nga çfarë ka frik. Kjo me fjalë tjera i bie se pozita apo pushteti është dorëzuar nga votuesit apo e ka braktisur besimin qytetar. Në krejt këtë çështje nga pushteti po fshihet se ka njerëz të tyre që janë të përfshirë në shkelje ligjore dhe kjo konstatohet me një aneks kontratë e cila është me datën 20 dhjetor 2020 ndërsa me datën 23 të po të njëjtit muaj të viti 2020 përfundon projekti dhe kjo kontratë ka vlerën mbi 33,000.00 €, andaj shtrohet pyetja si ka mundur që ky projekt të përfundoj për më pak se një javë. Prandaj dihet fakti se kush ka qenë drejtor në atë kohë, kush ka qenë projekt-menaxher i kontratës dhe kush e ka bërë pranimin teknik të projekti-ndërtimi i objekti të QKMF-së në Vushtrri. Në fund lidhur me këtë çështje kërkoj të merret organet e hetuesisë dhe të prokurorisë.

Ymer Haradinaj, anëtar i kuvendit –kërkoi nga DKA në Vushtrri që të mirëmbahet busti apo përmendorja e heroit Lutfi Musiqi, i cili ndodhet në oborrin e shkollës së mesme profesionale

Bahri Haxha, dhe në të njëjtën kohë duhet të bëhet zhvendosja e këtij busti nga oborri i shkollës, pasi që dihet se nga viti 2005 është bërë ndarja fizike e shkollës teknike në Vushtrri, në shkollën teknike dhe shkollën profesionale, ndërsa busti ka imbetur në oborrin e shkollës profesionale "Bahri Haxha". Prandaj vendosja e bustit të heroit kombëtar aty ku e ka vendin në oborrin e shkollës teknik e cila edhe e mbanë emrin e tij, është detyrim për komunën dhe DKA-në Vushtrri, por edhe nderë për heroin dhe familjen e tij. Më tej ngrit shqetësimin e tij për siç tha të nxënësve të SH.M.T."Lutfi Musiqi" ku siç është e ditur në hyrje e oborrit të kësaj shkolle ndodhet një transformator i energjisë elektrike i cili paraqet rrezik për nxënësit, kërkoj që komuna në bashkëpunim me KEDSI të bëj dislokimin e atij transformatori në një vend tjeter më të përshtatshëm. Mandej përsërit shqetësimin e largimit të tre autobusëve të prishur në oborrin e SH.M.T."Lutfi Musiqi" në Vushtrri të cilët i japid një pamje të shëmtuar oborrit të kësaj shkolle.

Ali Januzi, anëtar i kuvendit –propozoi që shtëpia e Kahriman Pasomës në cilën në vitin 1999 janë ekzekutuar në mënyrë barbare nga forcat barbare serbe 68 shqiptar të shndërrrohet në shtëpi apo muze të gjenocidit në formë zyrtare nga Komuna e Vushtrrisë ashtu që imbetet në kujtesën kolektive për gjenerata e ardhshme, si shenjë e terrorist dhe gjenocidit të ushtruar nga aparati serb në Kosovë.

Behar Duraku, anëtar i kuvendit-ngritit shqetësimin e tij sepse edhe pse ka kaluar data 15 tetor akoma nuk ka filluar shpërndarjen e lëndëve djegëse për ngrohej nëpër shkolla, dhe po ashtu shprehu shqetësimin për parregullsi në procesin e shpërndarjes së këtyre lëndëve nëpër shkolla. Lidhur me këtë çështje kërkoj të ngritet një komision i cili do të përcjell punën dhe procesin e furnizimit të shkollave me lëndë djegëse.

Agron Përçuku, anëtar i kuvendit-përcjelli shqetësimin e bizneseve të vogla-kiosqeve që shtrihen në shesh i cili është duke u rinouar, e të cilëve iu është lëshuar një urdhëresë nga komuna për lirimin e atyre kiosqeve për shkak të punimeve në shesh, për këtë kërkoj nga Drejtoresha e Urbanizimi që të sqaroj se ku do të vendosen ato kiosqe me qëllim që të mos dëmtohen ato biznese sepse së dihet këto biznese i mbajnë familjet e tyre me këto veprintari.

Shpëtim Zhegrova, nënkyrytar i komunës-duke u përgjigjur në çështjet e ngritura nga anëtarë e kuvendit, njoftoj se në kuadër të buxhetit për vitin 2024 është paraparë rregullimi dhe dislokimi i bustit të heroin "Lutfi Musiqi". Lidhur me çështjen e autobusëve që ndodhen në oborrin e shkollës njoftoj se për këtë çështje është formuar një komision dhe mendohet që përmes ankandit të bëhet shtija dhe zhvendosja e atyre autobusëve nga atje. Lidhur me dislokimin e transformatorit nga oborri i shkollës "Lutfi Musiqi" njoftoj se kjo çështje bie në kompetencë të KEDS-it, por u zotua se në bashkëpunim me këta të fundit të punohet për ta gjetur një zgjidhje. Pastaj lidhur me shtëpinë e Kahriman Pasomës, njoftoj se për këtë çështje është biseduar mes kryetarit të komunës dhe Ministritës së Kulturës, për futjen e kësaj shtëpie në listën e monumenteve historike, ndërsa kryetari i komunës është zotuar se në bashkëpunim me kuvendin do të iniciojë procedurën për shpronësimin e kësaj shtëpie dhe të shpallet si monument historik i Komunës së Vushtrrisë apo muze i gjenocidit. Sa i përket bizneseve apo kisosqeve në shesh të qytetit do të shikohet mundësia që të gjendet një vend sa më i përsleshëm për ta ushtruat veprimtarin e tyre deri në përfundimin e punimeve në shesh.

Faton Hyseni, anëtar i kuvendit –tha se bazuar në udhëzimin administrativ në fuqi komision për zgjedhjen e drejtoreve dhe zëvendësdrejtoreve të shkollave propozohet nga Drejtoria e Arsimit, ndërsa ky propozim është ardhur nga kryetari i komunës në kundërshtim me udhëzimin administrativ, në këtë rast ose duhet të hiqet nga rendi i ditës kjo pikë ose duhet të korrigohet ky propozim-vendim.

Ilmi Azemi, anëtar i kuvendit –propozoi që të futet në rendin e ditës propozim-vendim për ofrimin e mbështetjes financiare për shërim për ish asamblistin e Kuvendit të Komunës së Vushtrrisë z.Fitim Halili, i cili është dignostifikuar se vuan nga një sëmundje e rënd.

Sylejman Mehollı, anëtar i kuvendit –në emër të grupit kuvendar të LVV-së kërkoj nga kuvendi që të hiqet nga rendi i ditës pika e 8 (tetë) Propozim – vendimi për ndarjen e mjeteve financiare ndërmarrjes publike lokale “Përparimi” SH.A në Vushtrri, për faktin se e njëjtë nuk ka kaluar në shqyrtim në Komitetin për Politikë dhe Financa, dhe kjo përfaktin se çdo pikë që është e natyrës financiare, duhet të shqyrtohet fillimi nga KPF-ja, kësaj ku ja shtojmë edhe faktin se kjo ndërmarrje përmes Komisionit të Aksionarëve akoma nuk ka sjellë raport për gjendjen në këtë ndërmarrje. Prandaj në mbledhjen e radhës duhet të sillet ky propozim bashkërisht me reportin për të parë se si janë shpenzuar mjetet e ndara më herët për këtë ndërmarrje, duke iu bashkangjitur edhe lista e të punësuarve në këtë ndërmarrje.

Adnan Lahu, anëtar i kuvendit –tha se në bazë të rekomandimeve të dal nga mbledhja shohim se propozim-vendimi për ndarjen e mjeteve financiare ndërmarrjes publike lokale “Përparimi” SH.A në Vushtrri, është shqyrtaur nga Komitetit për Politikë dhe Financa, dhe i njëjti është proceduar për kuvend.

Ilmi Azemi, anëtar i kuvendit –tha se aprovimi i propozim-vendimit për ndarjen e mjeteve financiare ndërmarrjes publike lokale “Përparimi” SH.A në Vushtrri, është në interes të përgjithshëm sepse kemi të bëjmë me pavaresimin e kësaj ndërmerrej sa i përket menaxhimit të mbeturinave si dhe në pajisjen e kësaj ndërmarrje me makineri të nevojshme për kryerjen e këtyre shërbimeve andaj kjo shumë e propozuar mendojmë që është simbolike. Kërkojë që kjo pikë të aprovohet me unanimitet të plotë të kuvendit.

Bekim Zabërgja, anëtar i kuvendit –tha se ideja që hiqet nga rendi i ditës propozim-vendimi për ndarjen e mjeteve financiare ndërmarrjes publike lokale “Përparimi” SH.A në Vushtrri, nuk është e qëlluar përfaktin se rapporti i ndërmarrjes nuk është i lidhur me propozim-vendimin për subvencionimin e kësaj ndërmarrje. Lidhur me reportimin e komisionit të aksionarëve të kësaj ndërmarrje vlerësoi se ky komision i ka shkelur obligimet ligjore lidhur me reportimin dhe tani raportimi është i pa efektshëm, andaj në rastin konkret duhet të kërkohet votëbesimi i këtij komisioni në kuvend duke ia marr mandatin të njëjtit apo duhet shkarkuar thënë në mënyrë lakonike, sepse ky komision nuk i ka përmbushur detyrat dhe obligimet që i ka në bazë të ligjit dhe përfaktit e cilat e ka autorizuar kuvendi i komunës.

Agron Përçuku, anëtar i kuvendit-vlerësoi se askush nuk është që të stopohet puna e ndërmarrjes “Përparimi” dhe shtoj se në kërkesën përfaktin se mjetet përfunduese të dashur të bashkëngjitet edhe dokumentacioni shtesë që ministria e linjës ia ka lejuar kësaj kompanie zgjerimin e veprimtarisë së saj përfunduese, kërkoj që kjo pikë të përkrahet.

Shpëtim Zhegrova, nënkyrytar i komunës-njoftoi se i gjithë dokumentacioni përfundues i zgjerimin e veprimtarisë së ndërmarrjes “Përparimi” është përfunduar konfrom ndryshimeve ligjore që janë bërë dhe nëse është e nevojshme atëherë i njëjti mund të dërgohet përmes adresës elektronik tek anëtarët e kuvendit.

Faton Hyseni, anëtar i kuvendit –tha asnjë nga kriteret e parapara në udhëzim administrativ nuk janë respektuar, sepse bazuar në normativë decidivisht thuhet se anëtarët e komisionit duhet të kenë eksperiencë nga fusha e arsimit dhe të janë ekspert të pavarur nga po e njëjtë fushë ndërsa anëtarë e propozuar nuk i përmbushin këto kritere atëherë në bazë të kësaj del se nuk është respektuar kuadri ligjor që buron nga udhëzimi administrativ përfundues i përzgjedhjen e drejtoreve dhe zëvendësdrejtoreve në komuna nga fusha e arsimit. Më tej shtoj se kjo nguti e formimit të këtij komisioni po bëhet edhe përfaktin se pushteti dëshiron që shpejtëeshpejt të bëjnë zyrtarizmin e

disa drejtorëve sidomos nëpër çerdhe ku ka pasur shkelje ligjore në rekrutimin e tyre sidomos në çerdhen nr.3 ku është zgjedhur drejtoresha me përgatitej me shkollë të mesme dhe në këtë rast është shkelur ligji në mënyrë flagrante.

Në vazhdim kuvendi pika e propozuar në të ndryshime i votoj në mënyrë të veçantë dhe atë si në vijim:

Me vota “unanime” kuvend vendosi që futet në rendin e ditës për shqyrtim Propozim-vendimi për plotësimin e vendimit lidhur me themelimin e Komitetit për Politikë dhe Financa.

Me 17 vota “për” 1 votë kundër kuvend vendosi që futet në rendin e ditës për shqyrtim Propozim-vendimi për formimin e komisionit për zgjedhjen e drejtorëve dhe zëvendësdrejtorëve të shkollave në Komunën e Vushtrrisë.

Me vota “unanime” kuvend vendosi që futet në rendin e ditës për shqyrtim Propozim-vendimi për ofrimin e mbështetjes financiare për shërim për z.Fitim Halili.

Në fund të debatit jashtë rendit të ditës dhe për rendin e ditës, Kuvendi pas votimit me 24 vota “për” 5 vota “kundër” të tjerat “abstenim” aprovoi këtë:

R E N D D I T E

1. Shqyrtimi dhe aprovimi i procesverbalit nga mbledhja e jashtëzakonshme e Kuvendit të Komunës së Vushtrrisë, mbajtur më 26 shtator 2023;
2. Shqyrtimi dhe aprovimi i procesverbalit nga mbledhja e rregullt e Kuvendit të Komunës së Vushtrrisë, mbajtur më 28 shtator 2023;
3. Shqyrtimi dhe aprovimi i Raportit nëntëmujor të shpenzimeve për periudhën janar – shtator 2023;
4. Shqyrtimi dhe aprovimi i Propozim – vendimit për formimin e komisionit për hartimin e Draft – Planit të Punës së Kuvendit për vitin 2024;
5. Shqyrtimi dhe aprovimi i Propozim – vendimit për inicimin e procedurës për hartimin e Planit Zhvillimor Komunal 2024 – 2032;
6. Shqyrtimi i Informatës lidhur me furnizimin me ujë të pijshëm në Komunën e Vushtrrisë;
7. Shqyrtimi i Informatës nëntëmujore të punës së Drejtorisë për Kulturë, Rini dhe Sport, për vitin 2023;
8. Shqyrtimi dhe aprovimi i Propozim – vendimit për ndarje të mjeteve financiare ndërmarrjes publike lokale “Përparimi” SH.A në Vushtrri;
9. Shqyrtimi dhe aprovimi i Propozim – vendimit për plotësimin e vendimit lidhur me themelimin e Komitetit për Politikë dhe Financa;
10. Shqyrtimi dhe aprovimi i Propozim – vendimit për formimin e komisionit për zgjedhjen e drejtorëve dhe zëvendësdrejtorëve të shkollave në Komunën e Vushtrrisë;
11. Shqyrtimi dhe aprovimi i Propozim – vendimit për ofrimin e mbështetjes financiare për shërim për z.Fitim Halili;
12. Pyetje dhe përgjigje.

1. Shqyrtimi dhe aprovimi i procesverbalit nga mbledhja e jashtëzakonshme e Kuvendit të Komunës së Vushtrrisë, mbajtur më 26 shtator 2023;

Pas shqyrtimit të kësaj pike të rendit të ditës, Kuvendi me vota “unanime”, aprovoi procesverbalin nga mbledhja jashtëzakonshme e Kuvendit të Komunës së Vushtrrisë, mbajtur më datë 26 shtator 2023.

2. Shqyrtimi dhe aprovimi i procesverbalit nga mbledhja e rregullt e Kuvendit të Komunës së Vushtrrisë, mbajtur më 28 shtator 2023;

Pas shqyrtimit të kësaj pike të rendit të ditës, Kuvendi me vota “unanime”, aprovoi procesverbalin nga mbledhja rregullt e Kuvendit të Komunës së Vushtrrisë, mbajtur më datë 28 shtator 2023.

3. Shqyrtimi dhe aprovimi i Raportit nëntëmujor të shpenzimeve për periudhën janar – shtator 2023;

Sylejman Meholli, anëtar i kuvendit –vlerësoi se raporti në mënyrë decidive tregon për dështimin e qeverisë Idrizi në shpenzimin e buxhetit për vitin 2023 e në këtë rast në mënyrë të veçantë shpërfaq dështimin në realizimin e investimeve kapitale në Komunën e Vushtrrisë për vitin buxhetor 2023. Në këtë kontekst duke iu adresuar qytetarëve shtoj se përpala kemi reportin nëntë mujor të shpenzimeve janar-shtator 2023 nga Komuna e Vushtrrisë, raport ky që fatkeqësisht për vitin e dytë me radhë tregon dështimin e Qeverisjes Idrizi për të realizuar buxheti në mënyrë të suksesshme e me këtë dështon realizimin e investimeve kapitale të parapara në këtë vit buxhetor. Të dashur qytetarë Qeverisja Idrizi në gjashtë mujorin e parë kishte rekord të zi si rrallë ndonjë komunë në Kosovë, duke realizuar buxhetin për investime kapitale në vetëm 1%. Tash 3 muaj pas ky realizim buxhetor ka arritur shkallën vetëm 16 %, që tregon për dështimin total të kësaj qeverisje. Nga 8, 590, 396 euro sa janë planifikuar për investime kapitale deri me 30 shtator janë realizuar vetëm 1, 411. 364 euro investime duke mbetur të pa realizuara afro 7 milion euro. Për më keq as kategoria e subvencioneve që tradicionalisht është realizuar në nivel të kënaqshëm në nëntë mujorin e parë nuk ka kaluar 50% të realizimit ajo është ndalur në vetëm 48%. Le ti ndajmë për publikun disa nga të dhënat sipas drejtoreve përkatëse lidhur me tabelën e investimeve kapitale për janar-shtator 2023:

1. Drejtoria e Administratës të planifikuara 97.000 euro të realizuara 0 euro të realizuara. Kjo nuk do koment më tepër.
2. Drejtoria e Bujqësisë nga 853. 576 euro ka realizuar vetëm 22, 719 euro investime apo 2.66%. Kjo është përfomancë skandaloze.
3. Drejtoria për Urbanizëm nga 3, 018. 046 euro ka realizuar vetëm 442.28 euro investime kapitale apo 14.65%, në ndër kohë kanë mbetur mbi 2.5 milion euro që rrezikohen për të shkuar në suficit vetëm në këtë drejtori.
4. Drejtoria për Shëndetësi nga 651.690 euro të planifikuara për investime kapitale ka realizuar për 9 muaj vetëm 109,641 euro apo 16.82% dhe shumica e projekteve të planifikuar figurojnë me zero duke përfshirë komplet kodin për shërbime sociale dhe rezidenciale.

5. Drejtoria për Kulturë Rini dhe Sport nga 248,568 euro sa ka planifikuar për investime kapitale ka realizuar 0 (zero) euro investime duke qenë e dyta nga drejtorit që nuk ka arritur as një cent investime kapitale për nëntë muaj.
6. Shumë me rëndësi për ta cekur megjithëse nevoja për zgjerimin e rrjetit të ujësjellësit është më se fondamentale për lokalitetet që nuk kanë rrjet dhe me gjithë planifikimin për investim në shumën prej mbi 500. 000 euro për shtrirje të rrjetit në lokalitetet si Pasomë, Beqiq, Duboc, Stanoc, Dumnicë, Mihaliq e Prelluzhë as edhe një cent investime nuk është bërë në këta nëntë muaj në ndër kohë qeverisja Idrizi ka shpenzuar mbi 60 mije euro për dreka dhe udhëtime zyrtare.

Në kategoritë tjera që vlen të ceken

- Janë rritur shpenzimet në raport me vitin paraprak për këshillëdhënës nga 36 Euro në 39. 493 euro.
- Janë rritur shpenzimet në raport me vitin paraprak për shpenzime kontraktuese për afro 1 milion euro nga 1, 261.641 në 2,044. 282 euro.
- Janë rritur shpenzimet në procedurat e blerjeve më pak se 1000 euro nga 23.998 në 38. 956 euro.
- Janë rritur shpenzimet për përfaqësim e avokaturë nga 6.458 euro në 15.204 euro.
- Janë rritur shpenzimet avancë për udhëtime zyrtare nga 902 euro në 32,493 euro.
- Janë rritur shpenzimet për drekat zyrtare nga 23,079 euro në 31,377 euro.

Gjërat qesharake:

- Në drejtorin për Buxhet dhe Financa është planifikuar asfaltimi i rrugës Pantinë-Ashlan në vlerën prej 332 euro!
- Në të njëjtën drejtori është planifikuar riparimi i shkollës Krasniqe e Poshtme në vlerën 1 euro.
- Në Drejtorin e Shërbimeve Publike është planifikuar fondi për bashkëfinancim në vlerën 2 euro dhe rregullimi i sheshit Hasan Prishtina në vlerë prej 37 euro.
- Në Drejtorin e Bujqësisë është planifikuar ngritja e serave në vlerë prej 2 euro, kurse ngritja e pemishteve në vlerë prej 991 euro.

Me gjitha këto të dhëna ky raport është mallkimi që po përjeton Komuna e Vushtrrisë nga kjo qeverisje.

Pas shqyrtimit të kësaj pike të rendit të ditës kuvendi me 12 vota “për” 11 vota “kundër” aprovoj Raportin nëntëmujor të shpenzimeve për periudhën janar – shtator 2023.

4. Shqyrtimi dhe aprovimi i Propozim – vendimit për formimin e komisionit për hartimin e Draft – Planit të Punës së Kuvendit për vitin 2024;

Pas propozimeve nga anëtarët e kuvendit, pas votimit me vota “unanime” u vendos me sa vijon:

1. Me këtë vendim formohet komisioni për hartimin e Draft-planit të punës të Kuvendit të Komunës së Vushtrrisë për vitin 2024, në përbërjen si në vijim:

- 1.1 .Melihate Basholli-Latifi, kryesuese e kuvendit;**
- 1.2 Ilmi Azemi, anëtar i kuvendit (PDK);**
- 1.3 Shkelzen Xhaferi, anëtar i kuvendit (LDK);**
- 1.4 Fatmire Cecelia, anëtare e kuvendit (LVV);**
- 1.5 Mensur Kastrati, anëtar i kuvendit (AAK);**

2. Komisioni i cekur në pikën 1 të këtij vendimi, duhet të takohet brenda një afati të arsyeshëm dhe të hartojë draftin e Planit të Punës së Kuvendit për vitin 2024, dhe të njëjtin duhet t'ia propozojë Kuvendit të komunës për aprovim në mbledhjen e muajit dhjetor 2023.

3. Për zbatimin e këtij vendimi obligohet komisioni i cekur në pikën 1 të këtij vendimi.

4. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.

5. Shqyrtimi dhe aprovimi i Propozim – vendimit për inicimin e procedurës për hartimin e Planit Zhvillimor Komunal 2024 – 2032;

Pas shqyrtimit të kësaj pike të rendit të ditës kuvendi pas votimit me 27 vota “për” vendosi me sa vijon:

1. Me këtë vendim iniciohet procedura e hartimit të Planit Zhvillimor Komunal (PZHK-së) për Komunën e Vushtrrisë në afat të vlefshmërisë 2024-2032.

2. Me këtë vendim përkufizohet dokumenti i Planifikimit Hapësinor-Plani Zhvillimor Komunal në harmoni me ligjin si: “Plan Strategjik multi-sektorial, i cili përcakton caqet afatgjata të zhvillimit ekonomik, social dhe hapësinor, Plani Zhvillimor i Komunës duhet të përfshijë planin për zhvillimin e zonave urbane dhe rurale për një periudhë së paku tetë (8) vjeçare”

3. Me hartimin e Planit Zhvillimor Komunal, nga neni 1 i këtij Vendimi planifikohet zhvillimi hapësinor në kontekst të ndryshimeve të bëra dhe harmonizimin e tyre me nevojat reale dhe mundësit për të arritur kushte optimale të zhvillimit dhe organizimit hapësinor, rregullimit dhe ndërtimit të Komunës së Vushtrrisë me qëllim të mbulimit të tërë territorit të Komunës së Vushtrrisë, duke përgatitur Planin Strategjik multi sektorial , i cili përfshin planifikimin dhe zhvillimin e Zonës Urbane dhe Rurale.

4. Ky plan mbulon tërë territorin e Komunës së Vushtrrisë dhe bazuar në PZHK-në e aprovuar me vendim Nr. 126/17 të datës 04.05.201 Vushtrria ka territor prej 345 km^2 , ose 34,500.00ha.

5. Bartës i hartimit të planit Zhvillimor Komunal caktohet Drejtoria për Urbanizëm dhe Mbrojtje të Mjedisit në bashkëpunim me të gjitha drejtoritë tjera të cilat funksionojnë brenda Komunës.

6. Mjetet për Hartimin e Planit Zhvillimor Komunal sigurohen nga buxheti i Komunës së Vushtrrisë.

7. Projekt i PZHK-së para finalizimit duhet të vihet në konsultime publike dhe shqyrtim publik, paraqitja e PZHK-së në shqyrtim publik dhe koha për dhënien e shqyrtimeve dhe komenteve do të shpallet përmes njoftimeve publike.

8. Dokumenti i planifikimit hapësinor hartohet për periudhën kohore 8 vjeçare.

9. Deri në Miratimit e Planit Zhvillimor Komunal vlejnë dispozitat e Planit Zhvillimor Komunal, aktual me Nr. 126/17 të datës 04.05.2017, deri në miratimin e këtij akti të ri.

10. Dokumenti i planifikimit (PZHK) sipas nenit 1 të këtij vendimi duhet të jetë në gjuhë zyrtare të Komunës dhe së paku 3 Kopje të shtypura dhe 3 kopje digitale të originalit.

11. Ky vendim hyn në fuqi pesëmbëdhjetë (15) ditë pas regjistrimit në Zyrën e Protokollit të Ministrisë së Pushtetit Lokal si dhe shtatë (7) ditë pas publikimit në faqen zyrtare të Komunës së Vushtrrisë.

6. Shqyrtimi i Informatës lidhur me furnizimin me ujë të pijshëm në Komunën e Vushtrrisë;

Ymer Haradinaj, anëtar i kuvendit – tha se ky raport parqet gjendjen me ujë të pijshëm nga aspektet e ndryshme si: prodhimi, distribuimi, faturimi, inkasimi dhe shpenzimet, nga tabela shihet se për tre mujorin e parë të vitit 2023 kemi prodhim të ujit në sasi-vëllim prej $6,81.617 \text{ m}^3$. Të shpërndara nëpër komuna rezulton se në Komunën e Mitrovicës kemi $2,46.522 \text{ m}^3$ ujë, Komuna e Vushtrrisë $1,640.645 \text{ m}^3$ ujë dhe Skenderaj me $576,200.00 \text{ m}^3$ ujë. Gjatë periudhës së parë të këtij viti shihet se janë faturuar $3,000.000 \text{ m}^3$ ujë, kurse të pa faturuara evidentohen $3,440.762 \text{ m}^3$ apo shprehur në përqindje i bie që 53% e ujit të prodhuar është i pa faturuar, pra kemi një rritje të mos faturimit të ujit krahasuar me vitin 2022 në vlerë prej 12 %. Tek inkasimi gjatë periudhës së parë të këtij vite shihet se kemi inksim në vlerë prej $8,340.269 \text{ €}$, ku kemi një rritje prej 7%. Sa i përket shpenzimeve shihet së është shqetësuese që gjatë tre mujorit të parë të vitit 2023 kemi shpenzime prej $9,34000.510 \text{ €}$, ndërsa inksimi është $834,269.00 \text{ €}$, apo shihet se kemi inksim më të dobët në krahasim me shpenzimet në vlerë mbi 100.000 € . Në Komunën e Vushtrrisë në periudhën janar-mars 2023 kemi pasur vetëm 103 konsumator të rinj dhe kjo është shqetësuese sepse dihet se kemi një numër të madh të ekonomive familjare që nuk janë të kyqyra në rrjetin e ujësjellësit dhe kjo tregon që gjendja e furnizimit me ujë të pijes në Komunën e Vushtrrisë nuk është e kënaqshme, andaj inkurajojmë komunën që në bashkëpunim me kompaninë të bëjnë përpjekje për përmasimin e kësaj gjendje.

7. Shqyrtimi i Informatës nëntëmuore të punës së Drejtorisë për Kulturë, Rini dhe Sport, për vitin 2023;

Agim Bregaj, anëtar i kuvendit – Pyeti se a ka shënimë lidhur me një ngjarje që ka ndodhur në vitin 1991 në fshatin Stanofc i Epërm, kush janë pirësit dhe organizatorët e asaj ngjarje, ku përrjedhojë në këtë rast kanë rënë dy dëshmorët e kombit, andaj lidhur me këtë ngjarje a ka ndonjë shënim zyrtar që e mbanë drejtoria e komunës .

Agron Përku, anëtar i kuvendit – pyeti lidhur me kontratën për renovimin e fushës së sportit “Musa Abazi”, si dhe renovimin e zhveshtorës të stadiumit “Fërki Aliu”.

Kjo kontratë është e lidhur me vitin 2021, kërkoj nga DKRS të sqaroj se kur do të fillojnë punimet në këto dy projekte nga ana e operatorit ekonomik dhe a janë ndërmarr masa ligjore ndaj këtij operatori, për mos kryerjen e punëve të cilat janë dashur të përfundojnë në vitin 2021. Kërkesa përrregullimin e nxemjës në palestrën e sporteve “Afrim Bunjaku” në fshatin Samadrexh. Pse nuk është realizuar kjo kërkesë dhe cilat janë arsyetimet pse nuk është filluar me rregullimin e kësaj nxemje. A është realizuar pagesa në vlerë prej 800 euro për shkollën e tenisit si dhe a ka paraparë drejtoria e kulturës mjete financiare për ndërtimin e fushës së tenisit. Lidhur me më një operator ekonomik i cili për vite me radhë është treguar i papërgjeshëm kërkoj që ndaj ti të ndërmerr masa, por pikërisht në këtë qeverisje ka ndodhur e kundërta sepse edhe pse nuk i ka kryer punën si duhet prapëseprapë i njëjtë ka fituar tender nga Komuna e Vushtrrisë. Këtij operatori duhet shqiptuar masa që mos të ketë të drejt të konkurroj në tenderët e ardhëm në Komunën e Vushtrrisë. **Ali Januzi, anëtar i kuvendit** - pyeti DKRS se a janë subvencionuar shoqëritë kulturo-artistike nga ana e drejtorisë në komunën e Vushtrrisë.

Sylejman Mehollı, anëtar i kuvendit - pyeti se çfarë është duke ndodhur me projektet kapitale në drejtorin e kulturës që kanë qenë të planifikuara në buxhetin e komunës, a janë iniciuar dhe zhvilluar procedurat e prokurimit, nëse po në çfarë faze gjenden, nëse nuk janë iniciuar këto procedura atëherë kush është duke i bllokuar këto projekte dhe cili është interes i drejtorisë tuja për bllokimin e këtyre projekteve? Nëse nuk janë iniciuar këto procedura të prokurimit, atëherë i bie që drejtoria fare nuk është interesuar fare për realizimin e këtyre projekteve, sepse shpenzimi i buxhetit për projektet kapitale në këtë drejtori është në vlerën zero.

Fatmire Cecelia, anëtare e kuvendit –fillimisht vlerësoi se puna e punëtorëve në DKRS është për tu përshëndetur, sepse ata janë tepër të angazhuar dhe punojnë edhe pas orarit të punës e shpesh edhe gjatë vikendeve, por për keqardhje është angazhimi i eprorëve në këtë drejtori që nuk punojnë dhe nuk krijojnë kushte as për punëtor e lere më në shpenzimin e buxhetit për investime kapitale. Jeni në muajin e dhjetë të vitit dëgjohet se asnjë projekt nuk është duke u zhvilluar në këtë drejtori, dhe tanë në fund të vitit nuk do të mund të shpenzohet buxheti pasi që mbyllen kodet buxhetore, krejt kjo është pasoj e mos vizionit të udhëheqës së kësaj drejtorie.

Refik Maloku, anëtar i kuvendit -pyet DKR-në- lidhur me subvencionimin e OJQ-ve si dhe për pronarët e tyre, sepse ka informacione që disa nga përfituesit e OJQ-ve, janë persona që janë të lidhur me persona të afërt me pushtetin, p.sh. të dihen pronarët e OJQ-ve si në vijim: ISKAN e cila ka informacione se është pronare vajza e kryetarit të AAK-së në Vushtrri, IRDS, pronar i kësaj OJQ-je është Donat Zabergja, djali i asamblisti Bekim Zabergja. Në fund kërkoj të sillen emrat e pronarëve të OJQ-ve që janë subvencionuar nga DKRS-ja në Vushtrri.

Medina Bunjaku, drejtoreshë e DKRS-së-paraqiti sqarime të përgjithshme lidhur me çështjet e ngritura nga anëtarë e kuvendit.

8. Shqyrtimi dhe aprovimi i Propozim – vendimit për ndarje të mjeteve financiare ndërmarrjes publike lokale “Përparimi” SH.A në Vushtrri;

Sylejman Mehollı, anëtar i kuvendit –tha se kjo çështje do ishte konsideruar si urgjente nëse këto mjete do të dedikoheshin për pagat e punëtorëve të Kompanisë “Përparimi”, por këto mjetet në vlerë prej 60,000 € po ndahen për blerjen e majtëve të punës të cilat nuk kanë natyrë urgjente, por e rendësishme është fakti se me këtë shumë të mjeteve nuk mund të blihen mjete makineri kualitative sepse kamionët dhe kompjtorët për mbeturina janë shumë të kushtueshme dhe me këto mjete nuk do të bëhej ndonjë zgjidhje e mirë sepse kjo shumë nuk është e mjaftueshme. Për më tepër ajo që është akoma më keq është se këto mjete po merren nga kategoria subvencione dhe po

shpérndahen në investime kapitale në Përparim, që është shkelje ligjore sepse nga subvencionet nuk mund të financohen projekte kapitale. Në fund shtoj se ata si grup politikë nuk kanë asgjë kundër që të ndihmohet kjo ndërmarrje por gjithherë duhet të respektohet ligji, sepse për më tepër nuk ka kaluar koj pikë në KPF dhe fillimisht duhet të sjellët në kuvend raporti i Komisioni të Aksionarëve.

Ilmi Azemi, anëtar i kuvendit-tha se lidhur me ofrimin e reportit për gjendjen dhe reportin e auditorit për NPL “Përparimin”, pajtohet me parafolësin se këto report duhet të dërgohen në kuvend nga kjo e fundit, po lidhur me përkrahjen financiare të kësaj ndërmarrje duhet të gjithë të jemi unik sepse e njëjtë duhet përkrahur sepse ka nevojë. Më tej shtoj se duhet shmangur politikat populiste lidhur me kompaninë në fjalë sepse duhet mbështet kjo kompani për tu pavarësuar në ofrimin e shërbimeve për menaxhimin e mbeturinave.

Bekim Zabergja, anëtar i kuvendit-tha se nuk ka kurrfarë lidhje rapporti i komisionit të aksionarëve të kësaj ndërmarrje me propozimin për subvencionimin e ndërmarrjes. Esenca e kësaj çështje është se kemi të bëjmë me subvencion që po ndahet nga komuna për blerjen e mjeteve themelore të punës për këtë ndërmarrje, dhe kjo dallon nga format tjera të donacioneve, sepse destinimi i këtyre mjeteve është vetëm për mjete të punës dhe nuk mund të përdoren për qëllime tjera nga ndërmarrja. Ai përgëzoj menaxhmentin e kompanisë që ka konsoliduar dokumentacionin për zgjerimin e aktivitet operativ të kompanisë dhe kërko që në mënyrë unanime të votohet ndarja e këtyre mjeteve për këtë kompani.

Refik Maloku, anëtar i kuvendit –tha se kemi dështime nga të gjitha anët dhe dështimi kryesor është në shpenzimin e buxhetit në kapitale, mandej shtoj se kërkesa e kompanisë “Përparim” është që të iu ndahen 295.000.00€ me destinim për mjete të punës, ndërsa vlera prej 60,000.00€ është tejet e pamjaftueshme për ta mbuluar koston e mjeteve themelore. Në fund tha se nuk ka kuptim që asnjëherë kjo ndërmarrje nuk ka sjellë raport në kuvend për gjendjen e saj dhe për punësimet familjare që janë bërë këto dy vite.

Agron Përquku, anëtar i kuvendit –përsërit se është dashur që këtij propozim ti bashkëngjitet edhe dokumentacioni përkatës sa i përket zgjerimit të veprimtarisë së kësaj ndërmarrje, ndërsa kërkesa për mbështetje financiare është tepër valide dhe shumë e nevojshme që të plotësohet nga ana e kuvendit. Kjo është e rëndësishme sepse do ta bënte të qëndrueshme këtë kompani në gjenerimin e mjeteve vetnake.

Isuf Jashari, drejtor i DBF-së-tha se drejtoria ka bërë një analizë financiare nga fondi i subvencioneve, ku në vitin 2023 shuma prej 60,000.00 € të merren nga Drejtoria për Emergjencë dhe Drejtoria për Arsim, në rastin konkret konstatoj se kjo ndarje nuk karakterizohet me keq klasifikim dhe shkelje ligjore sepse po bëhet fjalë për ofrimin e ndihmës për këtë ndërmarrje. Subvencionet lejohen të ndahen me vendim të kuvendit dhe nuk kemi kurrfarë shkelje ligjore.

Në fund të debatit lidhur me këtë pikë të rendit të ditës kuvendi pas votimit me 18 vota “për” 8 vota “kundër” të tjerat “abstenim” vendosi me sa vijon:

1. Me këtë vendim, ndahen mjete financiare nga buxheti i komunës – subvencione dhe transfere të vitit 2023, në shumë të përgjithshme prej 60,000.00 € (gjashtëdhjetëmijë euro) për N.P.L “Përparimi” SH.A. në Vushtrri (mbështetje financiare) për blerje të mjeteve të punës – Kamion për bartje të mbeturinave (Kompaktor), kontejnerë etj.
2. Mjetet në shumën e cekur si në pikën paraprake të këtij vendimi do të sigurohen si vijon:

2.1. Nga buxheti i Drejtorisë për Mbrojtje dhe Shpëtim, 40,000.00 € (katër dhjetë mijë euro), kodi ekonomik (18468) menaxhimi i fatkeqësive natyrore , subvencione dhe transfere;

2.2. Nga buxheti i Drejtorisë për Arsim kodi ekonomik (92120), 20,000.00 € (njëzetmijë euro), subvencione dhe transfere.

3. Për zbatimin e këtij vendimi obligohen: Drejtoria për Buxhet dhe Financa dhe Drejtoria për Mbrojtje dhe Shpëtim dhe Drejtoria për Arsim.

4. Ky vendim hyn në fuqi pesëmbëdhjetë (15) ditë pas regjistrimit në Zyrën e Protokollit të Ministrisë së Pushtetit Lokal si dhe shtatë (7) ditë pas publikimit në faqen zyrtare të Komunës së Vushtrrisë.

9. Shqyrtimi dhe aprovimi i Propozim – vendimit për plotësimin e vendimit lidhur me themelimin e Komitetit për Politikë dhe Financa;

Faton Hyseni, anëtar i kuvendit –kérkoj të respektohet rregullorja për themelimin e komiteteve të kuvendit në komuna, që të bëhet përfaqësimi i të gjitha entitetave politike të përfaqura në kuvend, sepse kjo edhe në të kaluarën nuk është respektuar apo është shkelur.

Refik Maloku, anëtar i kuvendit –vlerësoi se çelësi i themelimit të Komitetit për Politikë dhe Financa nuk është respektuar atëherë kur është bërë themelimi i Komitetit për Politikë dhe Financa.

Agron Përquku, anëtar i kuvendit –duke ju referua parafolësit të tij, kérkojë që ai të bëhet zëdhënës i LVV-së, e mos të merre me anëtarë e LDK-së, sepse ai nuk dihet se cilit subjekt politik i takon.

Sylejman Meholli, anëtar i kuvendit –tha se çdo propozim që bëhet në kuvend sa i përket zgjedhjes si anëtarë i KPF-së, duhet të qitet në votim dhe ai që merr vota më shumë ai duhet të zgjidhet, kjo përfat se përfaqësimi në komitet bëhet sipas asaj se gjykim bëhet mbi bazën e vendeve në kuvend jo sipas përfaqësimit partiak siç edhe është vepruar edhe më herët.

Faton Hyseni, anëtar i kuvendit –adresoj kritika tek kryesuesja e kuvendit e cila sipas tij nuk është duke i udhëhequr si duhet mbledhjet e kuvendit, kjo përfat faktin se është e obliguar që ti qetë në votim të gjitha kërkesat e parashtruar nga anëtarë e kuvendit. Kjo po ndodh rëndom tek kryesuesja sepse ajo është e varur nga ekzekutivi komunal dhe merr urdhra nga këtë të fundit, gjë e cila nuk është dashur ti pranoj dhe të ndodhë një gjë e tillë. Më tej shtoj se normat dhe rregullt janë të qarta dhe vlefjë për tërë territorin e Republikës së Kosovës, prandaj në rastin konkret AAK-në kuvend ka dy anëtarë dhe i takon të ketë përfaqësuesin e vetë në gjirin e Komitetit për Politikë dhe Financa.

Shpëtim Zhegrovë, nënkyrytar i komunës–tha se sa i përket themelimit të Komitetit për Politikë dhe Financa, ligji është mjaft i qartë, sepse ligji nuk njehë grupe kuvendare por njehë subjekt politike që kanë fituar në zgjedhje e që përfaqësohen në kuvend, dhe në bazë të rezultateve të zgjedhjeve të viti 2021 AAK-ja ka vetëm 1 anëtar të kuvend, ndërsa kalimi i deputetit të LB-së në AAK është vetëm formal. Lidhur me deklarimet e anëtarit të AAK-së në kuvend, kérkoj sqarim deri në seancën e radhës lidhur me përfaqësimin e tyre në kuvendin e komunës dhe koalicionin qeverisës.

Në fund të debatit lidhur me këtë pikë të rendit të ditës, kryesuesja e kuvendit i hodhi në votim dy propozime për anëtar të KPF dhe atë për anëtarin e kuvendit Mentor Hasani i cili more 18 vota “për” si dhe anëtar i kuvendit Mensur Kastrati i cili mori 13 vota “për”, andaj nga ky rezultat u vendos me sa vijon:

1. Me këtë vendim ndryshohet dhe plotësohet vendimi i kuvendit me numër të protokollit 01.Nr.04/22 i datës 14.01.2022 lidhur me themelimin e Komitetit për Politikë dhe Financa ashtu që në vend të z.Lorik Maxhuni nga radhët e PDK-së emërohet z.Mentor Hasani nga i njëjti subjekt politikë.
2. Për zbatimin e këtij vendimi obligohen: Drejtoria për Buxhet dhe Financa dhe Sekretaria e Kuvendit të Komunës së Vushtrrisë.
3. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.

10. Shqyrtimi dhe aprovimi i Propozim – vendimit për formimin e komisionit për zgjedhjen e drejtoreve dhe zëvendësdrejtoreve të shkollave në Komunën e Vushtrrisë;

Faton Hyseni, anëtar i kuvendit –tha se në këtë propozim-vendim kemi shkelej ligjore përfaktin se drejtori i arsimit ka dhënë dorëheqje ndërsa në vendim figuron emri i tij dhe ndëshkim i tij.

Melihate Basholli, Latifi- Kryesuese e Kuvendi-tha se ky propozim-vendim është hartuar në kohen kur drejtor ka qenë z.Dardan Abazi, ndërsa nënshkrimi i tij nuk figuron por është nënshkrimi i ndonjë zyrtari të autorizuar nga DKA-ja.

Refik Maloku, anëtar i kuvendit –tha se gjendja në arsimin e Komunës së Vushtrrisë është katandisur krejtësisht, sepse përmë pak se dy vite janë ndërruar tre drejtor të arsimit, ndërsa në fushatën zgjedhore kryefjala e kryetari aktual të komunës ka qenë arsimi dhe avancimin i tij, por tani jemi para degradimit total të kësaj fushe vitale për Komunën e Vushtrrisë. Kryetari i komunës është marrë vetëm me dy gjëra në arsim me punësime të militanteve partiak pa kritere dhe më tender të renovimeve të shkollave pa kurrfarë kriteri dhe standardi. Lidhur me propozimin përzgjedhjen e komisionit për drejtoret e shkollave, ceku se janë propozuar persona që nuk janë kredibil e të cilët janë edhe politikisht të anëshëm dhe nuk mund të jetë pjesë e këtij komision, përkëtë ftojë të gjithë anëtarët e kuvendit që të votojnë kundër këtij propozim-vendimi.

Faton Hyseni, anëtar i kuvendit –përsërit se ky komision i propozuar nuk është adekuat dhe nuk është në pajtim me udhëzimin administrativ, sepse anëtarët e këtij komisioni duhet të kenë të paktën përgatitjen profesionale ekuivalente me kandidatet përdrejtor apo zëvendësdrejtor në një institucion arsimor, dhe kjo nuk është respektuar në rastin konkret. Mandaj procedimi i kësaj pike të rendit të ditës është bërë me vonësë, sepse komisionit të më hershëm i ka kaluar mandati në muajin korrik të këtij viti. Të tjerë shto se në këtë komision përpos që janë propozuar emra të cilët nuk janë profesionist të fushës së arsimit, janë njerëz që janë të dëgjueshëm politikisht ndaj partisë në pushtet dhe krejt koj po bëhet me qëllime të qarta përpunësime të njerëzve të afërt të partisë në pushtet.

Ilmi Azemi, anëtar i kuvendit-tha se propozimi përkëtë komision është ardhur në formën e rregullt ligjore, ndërsa i njëjti është propozuar nga DKA-ja që është në kompetencën e saj, dhe tani ne si kuvend nuk mund ta kontestojmë profesionalizimin e këtij komisioni paraprakisht. Më tej shtoj se nuk është mirë të mëremi dhe duhet të jemi të kujdeshëm, kur përmendim emra të

përveçshëm sepse duhet të mos etiketohen zyrtaret komunale. Votimi i këtij komisioni në kuvend është më tepër i karakterit formal dhe nuk duhet të shkaktohen pengesa në këtë proces por duhet të votohet unanimisht ky propozim-vendim.

Në fund të debatit lidhur me këtë pikë të rendit të ditës, kuvendi pas votimit me 15 vota “për”, 13 vota “kundër” vendos me sa vijon:

1. Me këtë vendim formohet Komisioni për përpërgjedhje për vendet e punës, drejtor dhe zëvendësrejtor, në shkollat fillore, të mesme të ulëta dhe të mesme të larta në Komunën e Vushtrrisë, me këtë përbërje:
 - 1.1. Hashim Hajrizi, zyrtar ligjor dhe personel i DKA-së
 - 1.2. Visar Sadriu, drejtor i SHFMU ”Andon Zako Çajupi” Vushtrri
 - 1.3. _____, përfaqësues i MASHT-it.
2. Komisioni do t’i zhvillojë të gjitha procedurat për përzgjedhjen e drejtorëve dhe zëvendësrejtorëve në Komunën e Vushtrrisë, konform Udhëzimit Administrativ nr.151/2020 për Detyrat, Përgjegjësitë, Procedurat dhe Kriteret e Zgjedhjes së Drejtorit dhe Zëvendësrejtorit të Institucionit Publik Edukativo Arsime Morale Aftësues Parauniversitar.
3. Komisioni i cekur si në pikën 1 të këtij vendimi ka mandat për një vit shkollor.
4. Për zbatimin e këtij vendimi obligohen: Drejtoria e Arsimit dhe komisioni i lartcekur.
5. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.

11. Shqyrtimi dhe aprovimi i Propozim – vendimit për ofrimin e mbështetjes financiare për shërim për z.Fitim Halili;

Ilmi Azemi, anëtar i kuvendit-tha se propozimi është i natyrës urgjente, për shkak se z.Fitim Halili është diagnostikuar se vuan nga një sëmundje e rëndë kancerogjene, i njëjtë ka nevojë emergjente që ta trajtoj këtë sëmundje. Propozoj që ti ndahen mjete financiare në vlerë prej 7000 euro nga kategoria subvencione dhe transfere në buxhetin e komunës, ndërsa për zbatimin e këtij vendimi të obligohet Drejtoria për Buxhet dhe Financa.

Pas shqyrtimit të kësaj pike të rendit të ditës kuvendi pas votimit në mënyrë “unanime” vendosi me sa vijon:

1. Me këtë vendim z. Fitim Halili, i ofrohet mbështetje financiare në shumë prej shtatëmijë euro (7000.00 €) për nevoja të shërimit i cili vuan nga një sëmundje e rëndë kronike.
2. Mjetet financiare të cekur në pikën paraprake të këtij vendim do të sigurohen nga buxheti i komunës – kategoria subvencione dhe transfere, në Drejtorinë për Buxhet dhe Financa dhe në drejtoritë tjera komunale aty ka mjete të lira nga po e njëjtë kategori buxhetore.

3. Për zbatimin e këtij vendimi obligohen: Drejtoria për Buxhet dhe Financa dhe drejtorit tjera kompetente komunale.

4. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.

13. Pyetje dhe përgjigje:

Behar Duraku, anëtar i kuvendit-pyeti drejtorin e Bujqësisë, lidhur me mos realizimin e pagesave, për shumën prej 5 cent për litër të qumështi në formë subvencioni për fermerët e Komunës së Vushtrrisë.

Ergyn Sunguri, drejtor i DEBPZHR-së- dha sqarimet lidhur me çështjen e ngritur nga anëtari i kuvendit z.Behar Duraku.

Ali Januzi, anëtar i kuvendit-pyeti se deri ku kanë shkuar procedurat lidhur me ndërtimin e urës në lagjen e Kastratëve, e cila ishte dëmtuar gjatë vërvshimeve të verës së këtij viti.

Benjamin Shala, drejtor i DSHP-u përgjigj në pyetjen e parashtruar nga anëtari i kuvendit z.Ali Januzi.

Mbledhja përfundoi në ora: 14:45.

Bastri Duraku


Precesmbajtës

Melihate Basholli-Latifi


Kryesuese e Kuvendi